

Ո Ր Ո Շ ՈՒ Մ

Ճանապարհային ոստիկանության վարչական տույժ նշանակելու մասին թիվ 1909058167, 1909050440, 1909019577, 1908999726 և 1908966250 որոշումներն անփոփոխ, իսկ վարչական բողոքն առանց բավարարման թողնելու մասին

<<12>> 02 2019թ. 17-13 11055-19/17-13 636

ք.Երևան

Ճանապարհային ոստիկանության պետ, ոստիկանության գնդապետ Ե.Կարապետյանս, վերանայելով Գևորգ Բեգլարյանի դիմումի քննարկման արդյունքում ստեղծված նյութերը՝

Պ Ա Ր Զ Ե Ց Ի

Երևան քաղաքի Կաշեգործների փողոցի 216 տան բնակիչ Գևորգ Բեգլարյանը դիմումով բողոքարկել է Ճանապարհային ոստիկանության վարչական տույժ նշանակելու մասին թիվ 1909058167, 1909050440, 1909019577, 1908999726 և 1908966250 որոշումները՝ նշելով, որ համաձայն չէ որոշումներով արձանագրված իրավախախտումների հետ:

Դիմումի քննարկման արդյունքում պարզվել է, որ դիմումատուի փաստարկը վարչական ակտերը բեկանելու հիմք չի կարող հանդիսանալ՝ հետևյալ պատճառաբանությամբ.

ՀՀ կառավարության <<Ճանապարհային երթևեկության կանոնները և տրանսպորտային միջոցների շահագործումն արգելող անսարքությունների ու պայմանների ցանկը սահմանելու մասին>> թիվ 955-Ն որոշման 80-րդ կետի համաձայն՝ տրանսպորտային միջոցը տեղակայել թույլատրվում է երթևեկելի մասի եզրին զուգահեռ մեկ շարքով՝ բացառությամբ այն տեղերի /երթևեկելի մասի տեղային լայնացում/, որտեղ գծանշմամբ թույլատրված են տրանսպորտային միջոցների դասավորման այլ ձևեր:

Ճանապարհային ոստիկանության վարչական տույժ նշանակելու մասին թիվ 1909058167, 1909050440, 1909019577, 1908999726 և 1908966250 որոշումներով արձանագրված իրավախախտումների տեսանյութերը փաստում են, որ դիմումատուին պատկանող տրանսպորտային միջոցը, բոլոր դեպքերում, տեղակայված է երկրորդ շարքում 1 րոպեից ավել ժամանակով, իսկ Վարչական իրավախախտումների վերաբերյալ ՀՀ օրենսգրքի 124-րդ հոդվածի 21-րդ և 25-րդ մասերով նախատեսված արարքները նվազ նշանակություն ունեցող գնահատելու համար, ըստ նույն հոդվածի 39-րդ մասի տառացի մեկնաբանության, ոչ թե այդ արարքների իրավախախտումների փաստերն արտացոլող տեսանյութերի տևողությունները, այլ վարչական իրավախախտումների տևողությունները չպետք է գերազանցեն 1 րոպեն, հետևաբար առկա չէ իրավական որևէ հիմք դիմումատուի արարքները նվազ նշանակություն ունեցող գնահատելու համար:

Վարչական իրավախախտումների վերաբերյալ ՀՀ օրենսգրքի 35-րդ հոդվածի համաձայն, մեկ անձի կողմից երկու կամ ավելի վարչական իրավախախտումներ կատարելու դեպքում վարչական տույժը նշանակվում է յուրաքանչյուր իրավախախտման համար առանձին-առանձին:

Հարկ է նշել նաև, որ դիմումատուի կողմից կատարված իրավախախտումները հայտնաբերվել են տարբեր օրերի, ինչի հաշվառմամբ էլ պետք է նշել, որ դրանք տարբեր՝ առանձին-առանձին վարչական վարույթներ են, որովհետև դրանք հայտնաբերման պահից ավարտված (հատված զանցակազմ) զանցանքներ են և չեն հայտնաբերվում մեկ վարչական վարույթի շրջանակներում:

Ելնելով վերոգրյալից և ղեկավարվելով վարչական իրավախախտումների վերաբերյալ ՀՀ օրենսգրքի 293-րդ հոդվածի 1-ին մասի 1-ին կետով՝

Ո Ր Ո Շ Ե Ց Ի

1. Ճանապարհային ոստիկանության վարչական տույժ նշանակելու մասին թիվ 1909058167, 1909050440, 1909019577, 1908999726 և 1908966250 որոշումները թողնել անփոփոխ, իսկ վարչական բողոքն առանց բավարարման:
2. Սույն որոշումն ուժի մեջ է մտնում հանձնելու օրվան հաջորդող օրը և կարող է բողոքարկվել ՀՀ վարչական դատարան օրենքով սահմանված կարգով և ժամկետներում:
3. Սույն որոշման օրինակն ուղարկել Գևորգ Բեգլարյանին:



Ե. Կարապետյան

Կատարող՝ Ա. Միրզախանյան